


# 台語馬可福音

范秉添牧師 整理

# 簡介

- 作者：馬可                      日期：64-67 AD
- 對象：羅馬的基督徒
- 目的：主後六十四年羅馬城給大火燒以後，羅馬的基督徒受到尼祿王的殘害，個需要閣堅定基督的信仰，及上帝國的盼望。



	馬太福音	馬可福音	路加福音	約翰福音
作者	稅吏馬太	馬可	醫生路加	使徒約翰
時間	(66/68)	(64/67)	(62)	(80-95)

- 馬可強調耶穌是**基督**，是舊約預言**上帝的僕人**，**是上帝的彌賽亞**。伊忍受苦難、受凌辱輕視到死，完成伊受託的使命。
- 鼓勵佇逼迫中羅馬的基督徒，要堅心倚靠主，至死忠心，忍受現今的苦難，最後必得到：彼永不震動**上帝國**為產業！

馬太福音

馬可福音

路加福音

約翰福音



基督是

君王

僕人

人子

神子

核心是

天國  
永活

上帝的國  
永活

上帝的國  
樂園

上帝的國  
永活  
父的家

# 重建大關的王國（以色列國）

- 雖然以色列國滅亡，  
但是大關的後代會乎興起來，  
彼時人攏佇等候大關的後代—彌賽亞若伊來到，
- 就會重建給巴比倫滅亡的王國。  
巴比倫滅亡以後，  
先後給波斯、希臘、羅馬帝國統治，  
重建大關王國，是彼時個最大的盼望。

# 天國（上帝的國）

- 講：時機到啊，上帝國啲欲實現啦，著悔改，信福音。（太1:15）
- 耶穌來到世間所介紹的天國，有諸個名出現：
- 天國、上帝的國、永活、樂園、父的家、新天新地。  
天國是場所，此國不是佇地面，是佇天頂。保羅叫此是第三層天，個所生活的地球是第一層天，宇宙是第二層天，天國是第三層天。
- 上帝的國、說明此國不是人所建立，是上帝所建立的。  
。永活、指永遠的國。樂園，指彼國是喜樂的園。
- 父的家、指慈愛的天父，為伊的子女所準備的厝。

# 上帝及大闢所立的約：

到你的歲壽滿，轉去你的祖先遐的時，我欲選立你的後代，你的親生子，來續接你，閣欲互伊的國穩固。伊欲為著我的名起聖殿；我欲堅固伊的王位直到永遠。  
。（撒下7：12-13）

1. 繼承人（所羅門）影 模型一指（耶穌基督）實體
2. 國位永存（以色列國）影 模型一指（天國）實體

天使對伊講：馬利亞，毋免驚，因為你有得著上帝賜福。你會懷孕生一個後生，你著給伊號名叫做耶穌。伊會做大人物，人會稱呼伊做至高上帝的子。主上帝會將伊祖先大闢的王位互伊。伊會永遠統治雅各的子孫；伊的王國無窮盡。（路1：30-33）

# 上帝及人相連有三種的職份

---

替上帝來傳講信息的，咱叫做先知；

替百姓來獻贖罪祭的，咱叫做祭司；


替上帝來管理百姓的，咱叫做君王；

# 彌賽亞是什麼意思

彌賽亞就是受膏者的意思。

受膏者；

佇舊約的時代，領受此三種職份的人，  
是用油來膏，佢啲叫做彌賽亞。



# 等候彌賽亞君王


- 先知對百姓講，有一位君王要來，
- 個想到君王，就認為是彌賽亞，
- 個佇等候此三種職份中的君王，  
大闢的後代彌賽亞，  
伊來是要重建大闢的王國。
- 耶穌的時代，  
人攏佇等候，此款~~的~~彌賽亞來到。  
耶穌：是伊的名； 基督：是伊的職位；  
以馬內利：是伊的身份。

# 上帝永遠的計畫

## 1 啟示天國

## 2 啟示救贖

死人閣活  
活人改變



天國  
(上帝國)

舊約 (模型)

新約 (實體)



上帝國的開始  
(創1.2章)  
伊甸園

創3-11章


創12章~書

士~瑪

四福音書

使徒書信

上帝國的完成  
(啟21.22章)  
新天新地



三層天  
父的家  
天國

新天新地  
上帝的國  
樂園 永活


第二層天

第一層天

# 聖經見證的天國（上帝國）

## ■ 天國的性質有三種

### ① 現實存佇的天國（實體）





### ② 成就佇世間的天國（模型）



### ③ 佇歷史中完成的天國

# 馬可福音大綱

- 一、耶穌傳道工作的準備 **1:1-1:13**
- 二、耶穌佇加利利的工作 **1:14-6:56**
- 三、耶穌離開加利利地區 **7:1-9:50**
- 四、耶穌佇比利亞的工作 **10:1-10:52**
- 五、耶穌佇耶路撒冷的工作 **11:1-13:37**
- 六、耶穌的受死及閣活 **14:1-16:8**
- 七、閣活主的顯現及升天 **16:9-16:20**





上帝的子耶穌**基督**的福音按呢開始。先知以賽亞的冊有記載：上帝講：看咧，我差我的使者做你的先鋒，伊欲給你開路。有聲佇曠野啲喝：著為主準備道路，為著伊修直小路。果然，約翰佇曠野出現，給人洗禮，宣揚講：著悔改，領受洗禮，上帝就赦免恁的罪。  
(可1:1-4)



猶太逐所在有真多人及耶路撒冷所有的人攏出來，去約翰邊，告白家己的罪，佇約旦河對伊領受洗禮。約翰穿駱駝毛的衫，腰繕皮帶，食草蜢及野蜜。(可1:5-6)



伊宣揚講：有一位比我較有權能的佇我後面啲來，我連踞落去給伊解鞋帶都膾堪得。我用水給恁洗禮，毋拘伊欲用聖神給恁洗禮。  
(可1:7-8)



過無幾日，耶穌對加利利的拿撒勒來，佇約旦河對約翰領受洗禮。耶穌一下對水裡起來，就看見天裂開，聖神親像粉鳥降落佇伊身上。閣對天有聲講：你是我所疼的子，你，我真意愛。（可1:9-11）



聖神隨時催迫耶穌去曠野。伊佇曠野四十日久受撒旦試探；伊一直攏及野獸做夥，毋拘有天使啲給伊侍候。（可1:12-13）

# 馬可福音大綱



- 一、耶穌傳道工作个預備 1:1-1:13
- 二、耶穌在加利利个工作 1:14-6:56
- 三、耶穌離開加利利地 7:1-9:50
- 四、耶穌在比利亞个工作 10:1-10:52
- 五、耶穌在耶路撒冷个工作 11:1-13:37
- 六、耶穌个受死拷復活 14:1-16:8
- 七、復活主个顯現拷升天 16:9-16:20



約翰受掠了後，耶穌去加利利宣揚上帝的福音，講：時機到啊，**上帝國**啲欲實現啦，著悔改，信福音。耶穌對加利利湖邊經過的時，看著西門及伊的小弟安得烈佇湖裡啲拋網，因為佢是掠魚的。耶穌對佢講：來隨我，我欲互恁得著人親像掠魚的得著魚。佢隨時給網放咧，去隨耶穌。(可1:14-18)





行無偌遠，耶穌看著西庇太的子雅各及伊的小弟約翰佇船頂的整理網。伊隨時呼召佢，佢就將老父西庇太及倩的工人放佇船頂，隨耶穌去。(可1:19-20)




耶穌及伊的門徒去迦百農；安歇日一下到，伊隨時入去會堂教示。眾人對伊的教示感覺非常希奇，因為伊的教示真有權威，及經學教師無相像。彼時，會堂內有一個邪神附身的人雄雄喝出來：拿撒勒人耶穌，你勿愛插阮！你來欲毀滅阮是無？我知你是什麼人；你是上帝的聖者。（可1:21-24）




耶穌給伊責備講：恬恬！對此個人出去！邪神互彼個人抽憊，大聲喝一聲，就對伊出去。眾人著驚，議論紛紛講：這是什麼代誌？是有權柄的新教示！伊命令邪神，佢攏降服。耶穌的名聲隨時傳到加利利及周圍逐所在。（可1:25-28）





耶穌一下離開會堂，隨時導雅各及約翰去西門及安得烈個兜。  
西門的丈姆抵啲發熱，倒佇眠床，佢隨時將伊的情形給耶穌講。  
耶穌行倚去牽伊的手，給伊扶起來；伊的熱退去，就給個侍候。  
(可1:29-31)




黃昏，日落的時，眾人將逐種病人及鬼附身的人攏導來耶穌邊。通城的人攏聚集佇門口。耶穌醫好真多患著逐款病的人，閣趕出真多鬼。伊毋准鬼講話，因為佢知伊是什麼人。（可1:32-34）




隔日透早，天猶未光，耶穌就起來，出去偏僻無人住的所在，佇遐祈禱。西門及同伴去尋伊。佢尋著就給伊講：逐個攞啲尋你。耶穌應講：咱來去附近的庄社，我嘛通佇遐傳道，因為這是我出來的目的。耶穌去加利利逐所在，佇佢的會堂傳道閣趕鬼。（可1:35-39）





有一個痲瘋病人來懇求耶穌，跪落去對伊講：你若肯，會當互我清氣。耶穌滿心憐憫，伸手給伊摸，講：我肯，互你清氣！  
(可1:40-41)





伊的癡瘋隨時無去，伊就清氣。耶穌隨時叫伊離開，嚴嚴給伊吩咐，講：千萬毋通給人講。不過你著去互祭司驗，閣照摩西的規定為著你有得著清氣獻祭物，通對眾人證明。毋拘伊一下出去，就四界宣傳報揚此個消息，致到耶穌膾當公開入城，煞著住仔城外偏僻的所在。眾人猶原對逐所在去尋伊。（可1:42-45）





幾日後，耶穌閣去迦百農，有消息傳講伊佇厝內，就有真多人聚集倚來，煞攏無空位，連門口都無。耶穌對佢啲講道的時，有四個人扛一個半身不遂的人來伊遐。（可2:1-3）



因為人真多，艙當扛去到耶穌的面前，佢就佇伊頂面的厝頂拆一孔，互彼個半身不遂的人倒佇床舖縋落去。耶穌看見佢的信心，就對彼個半身不遂的人講：少年人，你的罪赦免啦！（可2:4-5）





有幾若個經學教師坐佇遐，心內啲議論：此個人哪會按呢講？伊啲褻瀆上帝！獨一的上帝以外，什麼人會當赦罪？耶穌內心隨時知影個按呢啲議論，就對佢講：是按怎恁心內啲質問此個代誌？對半身不遂的人講『你的罪赦免啦』，抑是講『起來，夯你的床舖起來行』，叨一項較簡單？不過我欲互恁知人子佇地上有赦罪的權柄。  
(可2:6-10上)




耶穌就對彼個半身不遂的人講：我給你講，起來，夯你的床舖，轉去恁兜！伊就起來，隨時夯伊的床舖，佇眾人的面前行出去。眾人攏大著驚，歸榮光互上帝講：阮前到今毋曾看著此款代誌！  
(可2:10下-12)





耶穌閣去加利利湖邊，有一大陣人來伊遐，伊就給個教示。耶穌經過的時看著亞勒腓的子利未坐佇稅關，就對伊講：來隨我！利未就起來隨耶穌。（可2:13-14）



後來，耶穌佇利未個兜食飯。有真多貿稅的及罪人嘛及耶穌以及伊的門徒做夥食飯，因為有真多人啲隨耶穌。一寡法利賽派的經學教師看著耶穌及罪人以及貿稅的做夥食飯，就對伊的門徒講：是按怎伊及貿稅的以及罪人做夥食？耶穌聽著就給個講：健康的無需要醫生，破病的才有需要。我來，毋是欲招義人，是欲招罪人。（可2:15-17）




約翰的門徒及法利賽派的人啲禁食。有人來問耶穌：約翰的門徒及法利賽派的門徒禁食，是按怎你的門徒無禁食？耶穌應講：新郎猶及婚宴的人客做夥的時，人客豈會禁食？佢猶及新郎做夥的時猶禁食。日子啲欲到，新郎會互人對佢中間掠去，彼時佢就會禁食。  
(可2:18-20)





無人用無勾水的布去補舊衫。若按呢做，彼塊新布會糾裂舊衫，顛倒破閣較大孔。嘛無人將新酒入仔舊皮袋。若按呢做，新酒會給皮袋爆破，酒流出來，皮袋嘛歹去。新酒應該入仔新皮袋！  
(可2:21-22)





有一個安歇日，耶穌對麥園經過。伊的門徒那行那摘麥穗。法利賽派的人對耶穌講：你看！佢是按怎佇安歇日做齋用得做的代誌？耶穌給佢講：恁豈毋曾讀著大關及隨伊的人腹肚枵需要食物的時所做的代誌？（可2:23-25）




亞比亞他做大祭司的時，大關入去上帝的殿食獻祭的餅，嘛互隨伊的人食；此款餅祭司以外的人猶用得食。耶穌給個講：安歇日是為著人來設立；人毋是為著安歇日來創造。所以，**人子**嘛是安歇日的主。(可2:26-28)




耶穌閣入去會堂，佇遐有一個一支手癢去的人。有一寡人啲當等看耶穌佇安歇日會給此個人醫治抑癒，通給伊告。耶穌對彼個手癢去的人講：起來，來中央遮。然後伊問眾人：佇安歇日，做好事抑是做歹事，救性命抑是害性命，叨一項合律法？佢攞恬恬。（可3:1-4）




耶穌受氣，一個一個給佢看，為著佢的硬心憂傷，就對彼個人講：手伸出來！伊手伸出來，就復原。許個法利賽派的人就離開會堂，隨時及希律黨的人鬥陣計謀對付耶穌，看欲按怎給伊害死。  
(可3:5-6)



耶穌及門徒退去加利利湖邊，有一大陣加利利人隨伊去；閣有一大陣人聽著耶穌所做的代誌，對猶太、耶路撒冷、以土買、約旦河東岸，以及泰爾及西頓周圍來尋伊。因為人真多，耶穌吩咐門徒給伊準備一隻船，才免互人給伊搭扁去。（可3:7-9）



因為耶穌曾醫好真多病人，所以所有的病人攏搭倚來欲給伊摸。許個邪神一下看著耶穌，就仆佇伊的面前，大聲喝：你是**上帝的子**！耶穌嚴嚴命令個毋通對人傳揚伊的代誌。（可3:10-12）



耶穌上山，召集伊所意愛的人，佢就來。伊設立十二人，稱佢做使徒，是欲互佢及伊做夥，閣差佢去傳道，嘛互佢有權柄趕鬼。伊所任命的十二人就是：西門 — 耶穌給伊叫做彼得、西庇太的子雅各及伊的小弟約翰 — 耶穌給佢叫做半尼其，意思是「雷公仔子」，閣有安得烈、腓力、巴多羅買、馬太、多馬、亞勒腓的子雅各、達太、激進黨的西門， 19 及出賣耶穌彼個以斯加略的猶大。耶穌及別西卜(可3:13-19)



耶穌轉去厝裡。有一陣人閣聚集倚來，耶穌及門徒煞連飯都膾顧得食。伊的親人聽著此個代誌就出來欲給伊阻止，因為佢講伊精神失常！（可3:20-21）



對耶路撒冷落來的經學教師講：伊是互別西卜附身，靠鬼王啲趕鬼。耶穌叫佢來，用譬喻對佢講：撒旦哪會趕撒旦？國家若家已紛爭，彼個國家就倚癩牢。家庭若家已紛爭，彼個家庭嘛倚癩牢。撒旦若家已攻擊，紛爭，伊倚癩牢，一定會滅亡。無人會當入去勇士的厝搶伊的財物；著先給伊縛起來，才會當劫伊的厝。（可3:22-27）



我實在給恁講，人無論犯什麼罪，講什麼謗瀆的話，攏會得著赦免。毋拘無論什麼人褻瀆聖神，永遠膾得著赦免，伊是犯著永遠的罪。耶穌講諸個話是因為佢講「伊互邪神附身」。(可3:28-30)



耶穌的老母及伊的兄弟來，倚佇外面，差人去叫伊。有一陣人坐佇耶穌周圍；有人給伊講：你看，你的老母及你的小弟小妹佇外面欲尋你！耶穌應講：什麼人是我的老母、我的兄弟？然後伊對坐佇周圍的人一個一個給佢看，講：恁看，我的老母，我的兄弟！實行上帝旨意的人就是我的兄弟、姊妹，及老母。（可3:31-35）



耶穌閣一遍佇加利利湖邊啲教示人。有一大陣人聚集倚來伊邊，伊煞著去坐佇船頂；船佇湖裡，歸大陣人佇岸頂。耶穌用譬喻教示佢真多項事。伊教示的時給佢講。（可4:1-2）





著注意聽！有一個撒種籽的人出去撒種籽。伊撒的時，有的種籽落佇路邊，鳥仔飛來，給伊食了了。有的落佇石頭地，土少的所在，因為土無深，真緊就茁芽，日頭一下出，給個曝著，因為無根就焦去。（可4:3-6）





有的落仔荊帕內，刺仔大穢起來，給伊翕死，就無結實。有的落仔好土地，就發芽，成長，結實；有的結三十倍，有的六十倍，有的一百倍。耶穌講：有耳孔通聽的人，著聽！（可4:7-9）




耶穌家己一個的時，佇伊周圍的人及十二使徒來問伊諸個譬喻的意思。耶穌就給佢講：**上帝國的奧祕**已經有互恁，毋拘對外人逐項攏是用譬喻，欲互佢看閣看，嘛看無，聽閣聽，嘛無了解；若毋是按呢，佢會回心轉意，上帝就給佢赦免。（可4:10-12）



耶穌閣問佢講：此個譬喻恁膾了解是無？按呢恁哪會明白其他所有的譬喻？撒種籽的是撒上帝的信息。撒佇路邊的，是指人聽著信息，撒旦隨時來，給撒佇佢心內的信息搶去。像款，撒佇石頭地的，是指人聽著信息，隨時歡喜接受，不過佇佢的心內釘根無深，擋膾久，一下為著信息抵著患難抑是迫害，隨時放揀。（可4:13-17）



撒忒莉帕內的，是指人聽著信息了後，因為生活的掛慮，錢財的迷惑，及其他逐款的私慾入去心內，給所聽著的信息翕死，煞癯結實。許個撒忒好土地的，是指人聽著信息，歡喜接受就結實；有的三十倍，有的六十倍，有的一百倍。（可4:18-20）



耶穌問個講：豈有人點燈用斗蓋起來抑是囿佇眠床腳，無給伊竝佇燈台頂？因為一切隱密的無一項膾顯露；一切掩蓋的無一項膾露現。有耳孔通聽的人，著聽耶穌閣給個講：著注意恁聽著的。恁用什麼量量互人，上帝會用像款的量量互恁，甚至互恁閣較多。因為有的，欲互伊閣較多；無的，連伊所有的嘛欲給伊搶起來。（可4:21-25）



耶穌閣講：**上帝國**親像人將種籽撒佇地裡。伊暗時去暝，日時起來，種籽啲茁芽大穰，伊毋知是按怎會按呢。土地自然生產五穀，代先茁芽，後來吐穗，最後飽穗。五穀熟的時，隨時用鎌剷仔收割，因為收成的時到啦。（可4:26-29）



耶穌問講：咱欲用什麼來比並**上帝國**，欲用什麼譬喻來說明？**上帝國**親像一粒芥菜籽，撒落地的時是地上種籽中上細粒的；撒落去，大儂起來，比所有的菜蔬閣較大儂，發出大枝椏，甚至空中的鳥仔都會當佇樹影下做巢。耶穌用真多親像此款的譬喻對眾人宣講信息，攏照個會明白的給個講。伊無用別款的方式，只有用譬喻對個講，不過干焦及家己的門徒做夥的時才逐項給個說明。（可4:30-34）




彼日天暗的時，耶穌對門徒講：咱過來去彼旁岸。門徒就離開群眾上船，及已經佇船頂的耶穌做夥去。有幾若隻船嘛做夥去。忽然起大風，湧潑入船內，船煞互水淹到欲滿。耶穌佇船尾靠枕頭啲睏；門徒給伊叫醒講：老師，咱啲欲無命囉，你無要緊噢？（可4:35-38）



耶穌起來，責備風，  
閣命令湧，講：靜落  
去！定落來！風恬去，  
湖就靜靜靜。耶穌對  
門徒講：恁哪赫呢驚？  
恁猶無信心是無？因  
非常驚惶，講來講去：  
此個是什麼人，連風  
及湧都順服！  
(可4:39-41)



耶穌過去加利利湖的彼旁岸，格拉森人的地區。伊一下落船，有一個互邪神附身的人抵對墓仔埔出來，抵著伊。此個人攏住佇墓仔埔，人用鐵鍊都給伊鍊齮牢。真多遍人用鐵鍊及腳銬給伊捆縛，鐵鍊互伊擦斷，腳銬互伊損碎，無人有氣力給伊制伏。（可5:1-4）





伊暝日佇墓仔埔抑是山坪亂嚷，閣用石頭傷害家己。伊佇遠遠的所在看著耶穌，就走來跪佇伊的面前，大聲喝：至高上帝的子耶穌，你勿愛插我！我指上帝的名懇求你毋通苦楚我。因為耶穌有對伊講：邪神，對此個人出去！（可5:5-8）




耶穌問伊：你什麼名？伊應講：我的名是『軍團』，因為阮真大陣。伊迫切哀求耶穌毋通趕佢離開彼個地區。彼時，附近的山坪有一大群豬啲討食。邪神求耶穌講：互阮去豬群遐，通入去佢內面。  
(可5:9-12)



耶穌准佢。邪神就出去，進入彼群豬；歸群豬，約有兩千隻，對山坪闖落去湖裡，互湊都死。(可5:13)



飼豬的人就驚甲走去城內及鄉村報此個消息。眾人就出來欲看有發生什麼代誌。佢來耶穌邊，看著彼個互鬼附身，就是曾互「軍團」纏著的人坐佇邊，有穿衫，精神正常，就真著驚。看著的人就將互鬼附身的人及豬群所抵著的代誌給人講。佢就要求耶穌離開佢的地區。（可5:14-17）





耶穌欲上船的時，曾互鬼附身彼個人求耶穌准伊做夥去。耶穌毋准，給伊講：轉去恁兜，恁親人遐，將主憐憫你，對你所做赫呢大的代誌攏報個知。彼個人就離開，佇低加坡里傳揚耶穌對伊所做赫呢大的代誌；所有的人攏著驚奇怪。（可5:18-20）




耶穌閣坐船過去湖的彼旁岸；伊佇湖邊，有一大陣人聚集倚來。有一個會堂的主管叫做葉魯來，一下看著耶穌就仆佇伊的腳前，懇求伊，講：我的細漢查某子啲欲死啊，請你來給伊按手，醫好，互伊會活。耶穌就及伊去；有一大陣人嘛挨挨搭搭隨伊去。（可5:21-24）





有一個婦人致著血漏病十二年久；伊有互真多醫生看過，受著真多痛苦，閣錢攞開了了，伊的病毋若無較好，顛倒哪傷重。伊有聽著耶穌的代誌，就搭入去群眾內面，行倚去耶穌的後面，摸伊的衫。伊想講：我干焦摸著伊的衫，病就會好。伊的血漏隨時止，感覺身軀的病已經好。（可5:25-29）




耶穌隨時知有氣力對伊出去，就越過來，問群眾：什麼人摸我的衫？  
門徒應講：你看歸陣人啲給你搭，你哪會講「什麼人給我摸」？  
(可5:30-31)




耶穌四箍輾轉看一下，愛知什麼人給伊摸。彼個婦仁人知佇伊身上所發生的代誌，驚甲皮皮憊，就仆佇耶穌腳前，將攏總的實情講出來。耶穌給伊講：查某子，你的信心互你好去啦，平安倒去，你的病已經好啊。（可5:32-34）



耶穌猶啲講的時，有人對會堂主管的厝來，給葉魯講：你的查某子已經死去，哪著閣勞煩老師。耶穌有聽著佢講的話，就對會堂主管講：毋免驚，只有著信！」（可5:35-36）




伊就導彼得、雅各，及雅各的小弟約翰做夥去，以外毋准別人隨去。佢來到會堂主管的厝，耶穌看著場面真亂，有人啲哮，有人大聲啲哭。伊一下入去就給佢講：恁哪哭甲亂操操？此個囡仔毋是死去，是啲睏。（可5:37-39）




個就給伊恥笑，毋拘伊給個攏趕出去，然後導囡仔的父母及彼三個門徒入去囡仔的房間。伊牽囡仔的手，對伊講：大利大古米！意思就是查某囡仔，我給你講，起來！（可5:40-41）




查某囡仔隨時足百起來行，因為伊已經十二歲。佢非常著驚。耶穌嚴嚴警戒佢毋通將此個代誌互人知，閣叫佢提物件互查某囡仔食。  
(可5:42-43)




耶穌離開迦，倒去家己的故鄉，門徒隨伊去。安歇日，伊佇會堂教示人。真多人聽著伊的教示，攞真著驚，講：此個人的本事對叨位來？伊得著的到底是什麼款的智慧？伊的手哪會當行此款神跡？伊豈毋是木匠？豈毋是馬利亞的子，雅各、約西、猶大，及西門的兄弟？伊的小妹豈毋是及咱住佇遮？佢煞對耶穌起反感。（可6:1-3）




耶穌給佢講：先知佇家己的故鄉，家己的親人，家己的家族以外，一定會受尊重。伊佇遐癯當行什麼神跡，只有給幾個仔病人按手，給佢醫好。耶穌對佢的毋信感覺真奇怪。（可6:4-6）





耶穌行透周圍的庄社教示人。伊召集十二使徒來，差佢兩個兩個出去，互佢有權柄通制壓邪神。伊吩咐佢，出門的時枋仔以外什麼攞毋通帶；毋通帶食物；毋通帶旅行袋；腰帶內面毋通帶錢；只有穿涼鞋；毋通穿兩領內衫。(可6:7-9)



伊閣給個講：恁無論入去什麼人的厝，著住遇到離開彼所在。無論什麼所在，人若毋接納恁，毋聽恁的教示，恁離開的時著將腳裡的土粉拌掉，表示對個警告。使徒就出去傳道，勸人悔改。  
(可6:10-12)



佢閣趕出真多鬼，嘛用油抹真多病人，給佢醫好。(可6:13)




希律王有聽著耶穌的事，因為伊的名傳遍逐所在。有人講：伊是施洗者約翰對死人中閣活，所以有權能行諸個神跡。毋拘嘛有人講：伊是以利亞；閣有人講：伊是先知，親像古早的一個先知。希律聽著就講：是我給伊斬頭彼個約翰，伊有閣活。（可6:14-16）




希律有派人去掠約翰，給伊鍊佇監裡，原因是希律有娶小弟腓力的某希羅底做某；因為約翰定定對希律講：你娶小弟的某無合法！  
(可6:17-18)





希羅底心內對約翰拾恨，想欲給伊剖，毋拘膾當照心願，因為希律驚約翰，知影伊是正義閣聖潔的人，有給伊保護。希律逐遍聽約翰的話，非常不安，猶久真愛聽。希羅底的機會來啦。希律作生日的時，辦宴席請文武百官及加利利民間的領袖。希羅底的查某子入來跳舞，互希律及在座的貴賓歡喜。（可6:19-22上）




王給彼個查某囡仔講：看你愛什麼，做你求，我攞欲互你。希律閣對伊宣誓講：你無論求什麼，連我王國的一半嘛會互你。  
(可6:22下-23)




查某囡仔出去問伊的老母：我著求什麼？伊的老母給伊講：施洗者約翰的頭。伊隨時趕倒轉來，對王要求講：請你隨時將施洗者約翰的頭殼囡佇盤裡互我。（可6:24-25）



王的心非常艱苦，不過因為已經佇貴賓的面前咒誓，就無給伊拒絕。王隨時差一個警衛去提約翰的頭。警衛就去監裡斬約翰的頭，將頭殼下佇盤裡捧來互查某囡仔，查某囡仔就互伊的老母。約翰的門徒聽著就來收伊的身屍，給伊埋葬佇墓裡。(可6:26-29)




使徒轉來耶穌邊，將個所做所教示的攞給伊報告。耶穌給個講：按呢，恁嘛著家己去偏僻無人住的所在小可歇睏一下。因為出出入入的人真多，個連食飯的時間都無。個就坐船干焦個家己去偏僻無人住的所在。(可6:30-32)



真多人看著佢離開，認出是佢，就對逐個城市順陸路走進前，比佢代先到彼所在。耶穌上岸，看著一大陣人就可憐佢，因為佢親像無牧者的羊。伊就教示佢真多項事。時間已經真晏，門徒倚來給伊講：此個所在真偏僻，時間嘛真晏啦。請給佢解散，互佢去附近的鄉村庄社家已買物件食。(可6:33-36)





耶穌應講：恁互個食。門徒問講：阮著去買兩百個銀仔的餅互個食  
噢？（可6:37）




耶穌講：恁有佻多餅，去看覓咧！佢看了就講：有五個；嘛有兩尾魚。（可6:38）



耶穌吩咐門徒給眾人分組，互個坐佇青翠的草埔。眾人就一組一組坐落去，有的一百個，有的五十個。（可6:39-40）




後來耶穌提彼五個餅及兩尾魚，向天感謝，擘開，提互門徒去分互眾人。伊閣將彼兩尾魚分互眾人。大家攞食，食到飽。（可6:41-42）



門徒拾食賸的餅幼仔及魚屑仔，滿十二籃。食餅的，干焦查甫人就  
有五千。(可6:43-44)





耶穌隨時迫伊的門徒上船  
先過去對面岸，去伯賽大，  
家已留啲解散群眾。耶穌  
離開群眾了後就上山祈禱。  
(可6:45-46)





天暗的時，船行到湖的中央；耶穌家己一個佇岸頂。伊看著門徒搯風啲划槳，划甲真艱苦。天欲光的時，耶穌佇湖的頂面向個邊行去，想欲對邊仔過去。（可6:47-48）



門徒看著伊佇湖的頂面啲行，想講是鬼，就大聲喝，因為大家攞有看著伊，真驚。耶穌隨時給佢講：安心，是我，免驚！耶穌上船去及佢做夥，風就恬去。門徒非常著驚，因為佢無明白彼個餅的意義，心猶真鈍。(可6:49-52)




耶穌及門徒過湖了後佇革尼撒勒上岸，給船拋佇岸邊。佢一下落船，眾人隨時認出耶穌，就四界行透透，聽著耶穌佇叨位就用床舖扛病人去遐。耶穌無論行到什麼庄社、城市、鄉村，人就給病人扛來囡佇市場口，懇求耶穌上無嘛互病人摸著伊衫仔裾的鬚；所有摸著的人攏得著醫好。(可6:53-56)

# 馬可福音大綱

- 一、耶穌傳道工作个預備 1:1-1:13
- 二、耶穌在加利利个工作 1:14-6:56
- 三、耶穌離開加利利地 7:1-9:50
- 四、耶穌在比利亞个工作 10:1-10:52
- 五、耶穌在耶路撒冷个工作 11:1-13:37
- 六、耶穌个受死拷復活 14:1-16:8
- 七、復活主个顯現拷升天 16:9-16:20



有法利賽派的人及一寡對耶路撒冷來的經學教師鬥陣來尋耶穌。佢看著耶穌的門徒有人用無清氣的手，就是無洗手就食飯。原來法利賽派的人及所有的猶太人攏執守祖先的傳統，若無照法度洗手就無食飯；對市場倒來，若無洗嘛無食。佢閣遵守其他真多傳統的規例，親像洗杯仔、罐仔、銅器，及床舖等。所以，法利賽派的人及經學教師問耶穌：是按怎你的門徒用無清氣的手食飯，違犯祖先的傳統？  
(可7:1-5)




耶穌應講：以賽亞所講關係佢諸個假好的人的預言真著；伊按呢寫：此個子民用嘴唇尊敬我，佢的心卻離開我遠遠。佢用人的規例做我的教示教示人；佢敬拜我攞無採工。佢竟然放揀上帝的誠命，去執守人的傳統。耶穌閣講：佢為著欲執守傳統，用巧妙的方法來拒絕上帝的誠命。（可7:6-9）




摩西命令恁「著孝敬父母」，閣講「罵老父抑是罵老母的人應該處死」。毋拘恁講，人若對家己的老父抑是老母講「我應該互你的已經做各耳板」— 各耳板的意思就是獻互上帝的禮物， 恁就准伊免奉養家己的父母。恁用恁所傳授的傳統來廢除上帝的話。恁閣做真多此款の代誌。(可7:10-13)



耶穌閣叫眾人來，給佢講：恁大家攞著聽我的話，著了解：對外面入去人內面的物，無一項會互人無清氣；對內面出來的，才會互人無清氣。耶穌離開眾人，入去厝內，伊的門徒就問伊此個譬喻的意思。（可7:14-17）




伊給佢講：按呢連恁都無明白噢？恁豈無了解，對外面入去人內面的攏膾互人無清氣？因為對外面入去的毋是入去心內，是入去腹肚內，後來放落去便所。耶穌按呢講是指所有的食物攏清氣。  
(可7:18-19)




伊閣講：對人內面出來的才會互人無清氣。因為對內面出來的，就是對人的心出的，有歹念頭、私通、偷提、凶殺、姦淫、貪心、邪惡、奸詐、放縱、怨妒、誹謗、驕傲、癡曉分別是非。諸個一切邪惡的事攏是對內面出來的，這才會互人無清氣。（可7:20-23）



耶穌對退出發去泰爾地區。伊入去一間厝，無愛人知，不過無法度保密。隨時有一個婦仁人聽著耶穌的代誌，就來跪佇伊的腳前；伊的查某子互邪神附身。此個婦仁人是出世佇敘利亞腓尼基的希臘人。伊求耶穌給伊的查某子趕鬼。（可7:24-26）




耶穌給伊講：著先互囡仔食；提囡仔的食物抗互狗仔食，毋好。婦仁人應講：主啊，桌仔腳的狗仔都食囡仔的餅幼仔。耶穌給伊講：因為你此句話，你通轉去；鬼已經離開你的查某子啦！婦仁人轉去個兜，看著查某子倒佇床裡，鬼已經離開。（可7:27-30）





耶穌閣離開泰爾地區，經過西頓以及低加坡里地區，來到加利利湖。有人導一個癯聽見閣癯講話的人來耶穌遐，懇求耶穌給伊按手。耶穌導彼個人離開眾人去邊仔，穿指頭仔入去伊雙旁的耳孔，閣呷涎抹伊的舌，然後向天，吐氣，給伊講：「以法大」，意思就是「開！」彼人的耳孔隨時開，舌根冗，講話講甲真清楚。耶穌嚴嚴命令佢毋通給人講，毋拘伊愈禁止，佢愈出力報揚。大家攏非常著驚，講：伊逐項攏做甲真好，連癯聽見的人都會聽見，癯講話的人都會講話！  
(可7:31-37)



過無幾日，閣有一大陣群眾聚集。佢無物通食，耶穌就叫伊的門徒來，給佢講：我真可憐此陣人，因為佢已經及我做夥三日久，現在無物通食啦。我若互佢四散枵枵轉去佢兜，佢會佇路中暈倒，因為有人對真遠的所在來。門徒給伊講：佇此個偏僻無人住的所在，欲去叨位尋食物互諸個人食飽？（可8:1-4）



耶穌問佢：「佢有偌多餅？」佢講：「七個。」耶穌命令群眾坐落去土腳，然後提彼七個餅，感謝，擘開，提互門徒去分，佢就分互群眾。佢嘛有幾若尾細尾魚，耶穌感謝了，叫門徒提去分。佢攞食，食到飽，閣拾食賸的碎屑仔，攞總拾七籠。人數約有四千。耶穌給佢解散，然後隨時及門徒上船，去大瑪努他的境內。（可8:5-10）





一寡法利賽派的人來尋耶穌，及伊辯論。佢想欲給伊試探，要求伊行對天來的神跡。耶穌對心底吐一個大氣，講：是按怎此世代的人求神跡？我實在給恁講，膾閣有神跡互此世代的人。伊就離開佢，閣上船過去湖的彼旁岸。（可8:11-13）



門徒猶記得帶餅，不過個仔船內有一個餅。耶穌給個警告：著注意，著持防法利賽派的酵及希律的酵！門徒互相議論：是因為咱無餅是無？耶穌知影就給個講：恁是按怎啲議論無帶餅的代誌？恁豈猶無了解，猶無明白？恁的心豈赫呢鈍？（可8:14-17）



恁有目睷，豈無看見？恁有耳孔，豈無聽見？恁豈猶記得，我擘五個餅互五千人食的時，食賸的碎屑仔，恁有拾滿幾籃？佢講：十二籃。耶穌閣問：我擘七個餅互四千人食的時，食賸的碎屑仔，恁有拾幾籠？佢講：七籠。耶穌就給佢講：按呢，恁豈猶無明白？  
(可8:18-21)





耶穌及門徒來到伯賽大。有人導一個盲人來耶穌遐，懇求耶穌給伊摸。耶穌牽彼個盲人的手，導伊出去庄外，然後將嘴涎呖佇伊的目矙，閣用雙手給伊摸，問講：你有看著什麼？伊擲頭起來看，講：我看著人，看起來親像樹仔啲行來行去。耶穌閣一遍用雙手摸伊的目矙，伊注神看，視力就復原，逐項攞看甲真清楚。耶穌叫伊轉去個兜，給伊講：你連庄內都毋通入去。（可8:22-26）



耶穌及伊的門徒去凱撒利亞·腓立比附近的鄉村。佇路中，伊問個講：人講我是什麼人？個應講：有人講你是施洗者約翰；有人講是以利亞；嘛有人講是先知中的一個。耶穌閣問個講：恁咧，恁講我是什麼人？彼得應講：你是**基督**。（可8:27-29）



耶穌命令個千萬毋通對人講起伊的代誌。耶穌開始教示門徒講：  
**人子**一定著受真多苦難，互長老、祭司長，及經學教師拒絕，閣互人害死，三日後閣活。(可8:30-31)




伊將此個代誌清清楚楚給佢講。彼得就扭耶穌去邊仔，給伊責備。耶穌越過來看門徒，責備彼得，講：撒旦，閃開！你想的毋是上帝的事，是人的事。（可8:32-33）




然後，耶穌給群眾及門徒叫倚來，對佢講：欲隨我的人，著完全否定家己，夯家己的十字架來隨我。因為欲救家己的性命的，會喪失性命；為著我及福音的緣故喪失家己的性命的，會救著性命。人得著全世界煞喪失家己的性命有什麼利益？人會當用什麼代價來交換家己的性命？（可8:34-37）



佇此個淫亂邪惡的世代，人若因為我及我的話感覺見笑，**人子**佇伊的父的榮光中及聖天使來臨的時，嘛會因為伊感覺見笑。耶穌閣給佢講：我實在給恁講，倚佇遮的人，有的猶未死以前會看見**上帝國**已經充滿大能力來臨。（可8:38-9:1）



六日後，耶穌導彼得、雅各，及約翰，干焦個家己足白上一座高山。佇個的面前，耶穌的形像忽然改變。伊的衫變到光映映，非常白，地上的漂布師傅嘛膾當漂到赫呢白。（可9:2-3）



彼時以利亞及摩西做夥出現，及耶穌講話。彼得對耶穌講：拉比，咱佇遮真好，阮來搭三間寮仔，一間互你，一間互摩西，一間互以利亞。彼得毋知著講什麼，因為佢非常驚惶。（可9:4-6）




彼時，有一片雲給個罩啲，閣有聲對雲出來，講：此個是我所疼的  
子，恁著聽趁伊。佢趕緊四周圍看一輪，只有看著耶穌，無別人佇  
邊。(可9:7-8)





個落山的時，耶穌命令個，講：人子對死人中閣活以前，毋通將所看見的事給人講。個將耶穌的話囡佇心內，私下啲議論對死人中閣活此句話是什麼意思。個問耶穌：是按怎經學教師講以利亞一定著先來？（可9:9-11）





耶穌應講：以利亞一定著先來回復一切。按呢，聖經哪會記載講人子一定著受真多苦難閣互人藐視？我給恁講，抵抵照聖經所記載，以利亞已經來啦，人照佢的意思對待伊。（可9:12-13）





佢來到其他的門徒處，看著一大群人給佢圍啲，有幾若個經學教師及佢啲辯論。群眾一下看著耶穌，真著驚，隨時走倚去給伊請安。耶穌問門徒講：恁及佢啲辯論什麼？群眾的中間有一個應伊講：老師，我導我的子來尋你，伊互鬼附身癡講話。無論佇叨位，鬼一下附身，給伊摔倒，伊就呼白波涎，咬嘴齒根，歸身軀硬碣碣。我請你的門徒給鬼趕出去，佢攞無法度。（可9:14-18）





耶穌給佢講：唉啊，毋信的世代！我著及恁住偌久？我著閣忍耐恁偌久？給伊導來我遮。佢就給伊導來。彼個鬼一下看著耶穌，隨時互彼個囡仔抽掣，倒佇土腳翱來翱去，呼白波涎。耶穌問伊的老父：伊按呢偌久啊？伊應講：對細漢就按呢。鬼定定給伊抗落火，掉落水，欲給伊害死。你若會，求你可憐阮，幫贊阮！（可9:19-22）




耶穌給伊講：你哪講「你若會」？有信的人逐項攞會。佢仔的老父隨時喝講：我信！我的信無夠，求你幫贊！耶穌看著群眾走倚來，嚴嚴責備彼個邪神，講：你此個啞口閣臭耳的鬼，我命令你對此個囡仔出來，毋准你閣入去！鬼大聲喝，互彼個囡仔大抽憊才出去。彼個囡仔變做及死人像款，所以大部分的人講：伊死去啦。  
(可9:23-26)




總是耶穌牽囡仔的手，給伊扶起來，伊就起來。耶穌入去厝內，伊的門徒私下給伊問：是按怎阮無法度給鬼趕出去？耶穌應講：此種鬼只有靠祈禱才趕會出去。（可9:27-29）




耶穌及門徒離開遐，經過加利利。耶穌無愛人知伊佇叨位，因為伊抵啲教示門徒，對佢講：**人子**會互人出賣，佢會給伊害死，死了三日後會閣活。佢猶明白此句話，閣毋敢給伊問。（可9:30-32）




佢來到迦百農。耶穌佇厝裡的時間問門徒講：恁佇路中啲議論什麼？佢攞恬恬，因為佇路中佢互相啲爭論什麼人上大。（可9:33-34）



耶穌坐落去，叫十二使徒來，對佢講：若有人欲做第一，著做眾人的上路尾，做眾人的差用。伊就牽一個囡仔來，互伊倚佇佢中間，給伊抱起來，對佢講：無論什麼人若為著我的名接納一個此款囡仔，就是接納我。接納我的，毋是接納我，是接納差我來彼位。  
(可9:35-37)



約翰對耶穌講：老師，阮有看著一個人奉你的名趕鬼，阮給伊阻擋，因為伊無啲隨咱。耶穌講：毋通給伊阻擋，因為無人會奉我的名行神跡，隨時閣講我的歹話。無反對咱的就是為咱。（可9:38-40）



我實在給恁講，無論什麼人，因為恁屬**基督**，用一杯水互恁飲，伊一定會得著報賞。耶穌講：無論什麼人互信我的人中間微細的一個犯罪，伊較好互人用大石磨給伊吊佇頷頸，抗落海。（可9:41-42）



你的手若互你犯罪，著斬砍确，寧可減一支手入永遠活，比雙手好好落地獄互殮化的火燒較好。你的腳若互你犯罪，著斬砍确，寧可減一支腳入永遠活，比雙腳好好互人砍落地獄較好。你的目睭若互你犯罪，著挖砍确，寧可減一蕊目睭入上帝國，比兩蕊目睭好好互人砍落地獄較好。(可9:43-47)




佇地獄，蟲殮死，火殮化。逐個人攞著用火煉，親像用鹽焗。鹽真有路用；毋拘鹽若失去鹹味，欲按怎閣互伊鹹？恁家已著有鹽的作用，互相和好。(可9:48-50)

# 馬可福音大綱

- 一、耶穌傳道工作个預備 1:1-1:13
- 二、耶穌在加利利个工作 1:14-6:56
- 三、耶穌離開加利利地 7:1-9:50
- 四、耶穌在比利亞个工作 10:1-10:52
- 五、耶穌在耶路撒冷个工作 11:1-13:37
- 六、耶穌个受死拷復活 14:1-16:8
- 七、復活主个顯現拷升天 16:9-16:20






有一寡法利賽派的人欲試探耶穌，倚來問伊講：丈夫離伊的某有合律法無？耶穌應講：摩西有互恁什麼命令？佢講：摩西允准人寫離婚書就通離伊的某。耶穌給佢講：摩西是因為恁的心硬才寫此條誡命互恁。毋拘起頭創造的時，上帝造人，有男有女。（可10:2-6）





因為此個理由，人會離開伊的父母，及伊的某結合，兩人成做一體。按呢，佢已經毋是兩個，是一體。所以，上帝所配合的，人毋通拆開。佢入去厝內的時，門徒閣問耶穌此個代誌。耶穌給佢講：無論什麼人，離伊的某去娶別個婦仁人就是犯姦淫，辜負伊的某；某若離伊的丈夫去嫁別人嘛是犯姦淫。（可10:7-12）




有人導囡仔來耶穌邊，愛伊給佢按手祝福；門徒給佢責備。耶穌看著，真受氣，對門徒講：互囡仔來我遮，毋通給佢阻擋，因為上帝國是此款人的。我實在給恁講，人若無親像囡仔按呢接受上帝國，絕對膾當入去。耶穌就給佢抱，按手祝福。（可10:13-16）



耶穌抵欲出外的時，有一個人走來，跪佇伊的面前，問伊講：好的老師，我著做什麼才會當承受**永遠的活命**？耶穌給伊講：你哪會講我是好？上帝以外，無一個是好。諸個誡命你攏識：毋通害死人；毋通姦淫；毋通偷提；毋通作偽證；毋通詐欺；著孝敬父母。  
(可10:17-19)





彼個人應耶穌講：老師，諸個誡命我對細漢就一直有啲遵守。耶穌注目看伊，疼伊，給伊講：你猶欠一項；你去，去賣所有的來分互散赤人，你佇天頂就有財寶，然後來隨我。彼個人一下聽著此句話，面失色，憂憂愁愁離開；因為伊財產真多。（可10:20-22）




耶穌四周圍看一輪，給門徒講：有錢人入上帝國佢仔呢困難！門徒聽著伊所講的話，非常著驚。耶穌閣給佢講：細子啊，入上帝國真正困難！駱駝穿過針鼻嘛比好額人入上帝國閣較簡單。門徒閣較著驚，大家講來講去：若按呢，什麼人會當得著救？耶穌注目給佢看，講：此個事，人做膾到，上帝就毋是按呢，因為上帝逐項攞會。  
(可10:23-27)





彼得接嘴講：你看，佢等已經放掉一切來跔你。耶穌對佢等講：佢實在搵你等講，為到佢抑係福音來放掉房屋、兄弟、姊妹、爺娘、子女、抑係田地个人，在今世雖然會堵到迫害，總係會得到百倍个房屋、兄弟、姊妹、爺娘、子女、抑係田地；在來生會得到**永遠个生命**。總係，盡多在最頭前个會做背尾；盡多在最背尾个會做頭前。  
(可10:28-31)




耶穌及伊的門徒上耶路撒冷路中，伊行佇頭前；門徒感覺真奇怪，隨的人真驚惶。耶穌閣一遍導十二使徒去邊仔，將伊啲欲抵著的事給個講：今咱欲上耶路撒冷；**人子**會受出賣互祭司長及經學教師。個會給伊定死罪，後來將伊交互外邦人。個會給伊戲弄，呖涎，鞭拍，害死；三日後，伊會閣活(可10:32-34)





西庇太的子雅各及約翰行進前，給耶穌講：老師，阮所求的，請你給阮成全。耶穌問講：恁愛我給恁做什麼？佢講：你得著榮光的時，請互阮一個坐你的正旁，一個坐你的倒旁。（可10:35-37）





耶穌給佢講： 恁毋知家己啲求什麼。我飲的杯， 恁會當飲膾？ 我受的洗， 恁會當受膾？ 佢講： 阮會！ 耶穌給佢講： 我所飲的杯， 恁欲飲； 我所受的洗， 恁欲受， 不過坐我的正旁倒旁毋是我會當互人的。上帝為著什麼人準備就互彼個人。其他彼十個門徒聽著， 就對雅各及約翰受氣。（可10:38-41）



耶穌叫佢來，給佢講：恁知，佇外邦人的中間，許個互人看做統治者的做主給佢管轄，佢的領袖給佢支配。不過恁中間就毋應該按呢。恁中間愛做大的著做恁的差用；愛做第一的著做眾人的僕人。因為人子來，毋是欲互人服事，反轉是欲給人服事，甚至犧牲家己的性命來贖回真多人。（可10:42-45）



耶穌及伊的門徒來到耶利哥。佢及一大陣人欲對耶利哥出去的時，有一個失明的乞食，底買的子巴底買，坐佇路邊。伊聽講拿撒勒人耶穌對遇過，就喝：**大關的子耶穌**，憐憫我！真多人給伊責備，叫伊恬恬，毋拘伊愈大聲喝：**大關的子**，憐憫我！（可10:46-48）



耶穌停腳，講：叫伊來！佢就去叫彼個盲人，給伊講：安心，起來伊啲叫你。盲人就將外衫揸掉，跳起來，來到耶穌邊。耶穌給伊講：你愛我給你做什麼？盲人應講：拉波尼，我愛閣看見！耶穌給伊講：你轉去。你的信心互你得著醫好！盲人隨時閣會看見，就歸路隨耶穌。（可10:49-52）

# 馬可福音大綱


- 一、耶穌傳道工作个預備 1:1-1:13
- 二、耶穌在加利利个工作 1:14-6:56
- 三、耶穌離開加利利地 7:1-9:50
- 四、耶穌在比利亞个工作 10:1-10:52
- 五、耶穌在耶路撒冷个工作 11:1-13:37
- 六、耶穌个受死拷復活 14:1-16:8
- 七、復活主个顯現拷升天 16:9-16:20



耶穌及門徒啲欲到耶路撒冷，來到橄欖山山腳的伯法其及伯大尼的時，伊差兩個門徒，給佢講：恁去對面的庄社，入去，隨時會看著一隻毋曾互人騎過的驢仔子縛佇遐；恁給伊解開，牽來遮。  
(可11:1-2)



若有人問恁是按怎按呢做，著給伊講：主欲用伊，連鞭會閣牽轉來還。佢去，看著路邊有一隻驢仔子縛佇門口，就給伊解開。有一寡倚佇遐的人問佢講：恁解驢仔子欲創什麼？佢照耶穌所吩咐的給佢回答；許個人就准佢牽去。（可11:3-6）



個牽彼隻驢仔子來耶穌遇，將家己的外衫被佇驢仔頂，耶穌就足百起去騎。有真多人用個的外衫鋪佇路裡，嘛有人對野外剝樹桎鋪佇路裡給伊歡迎。(可11:7-8)




前行後隨的人大聲喝：和散那！奉主的名來彼位應該受稱讚！咱欲來咱祖先**大關的王國**應該受稱讚！至高的上帝，和散那！  
(可11:9-10)




耶穌進入耶路撒冷，入去聖殿，逐項看一輪。因為天已經暗，伊就及十二使徒出城去伯大尼。(可11:11)



隔日，耶穌及門徒對伯大尼出來的時，耶穌腹肚枵。伊佇遠遠看著一欖有真多葉的無花果樹，就行倚去欲看有果子抑無。伊行到遐，樹頂葉仔以外，攏無看著半項，因為毋是無花果的季節。伊就對彼欖無花果樹講：永遠無人會閣食你的果子！伊的門徒攏有聽著。  
(可11:12-14)




後來佢來到耶路撒冷，耶穌入去聖殿，起手將佇殿內啲買賣的人趕出去，閣掉倒換錢的人的桌及賣粉鳥的人的椅。伊嘛毋准人提物件用聖殿做通路過來過去。伊教示佢講：聖經豈無記載：我的厝欲叫做萬民祈禱的殿，（可11:15-17）




祭司長及經學教師聽著，就一直想辦法欲害死耶穌，毋拘個驚伊，因為群眾對伊的教示攏真感服。黃昏的時，耶穌及門徒出去城外。  
(可11:18-19)



隔早起，耶穌及門徒對暹經過的時，看著彼穢無花果樹歸穢攏焦去。彼得會記得，就給耶穌講：拉比，你看，你咒詛彼穢無花果樹已經焦去。(可11:20-21)



耶穌應講：恁著信上帝。我實在給恁講，無論什麼人對此座山講『起來，去填海』，伊心若無懷疑，信所講的一定會實現，嘛會按呢互伊實現。所以，我給恁講，恁祈禱的時無論求什麼，信已經得著就會得著。(可11:22-24)



恁倚啲祈禱的時，若對某人心有不平，著給伊赦免；按呢，恁的天父嘛會赦免恁的過失。（可11:25-26）





個閣來到耶路撒冷。耶穌佇聖殿啲行的時，祭司長、經學教師，及長老來伊遇，問伊講：你靠什麼權柄做諸個代誌？什麼人互你此個權柄來做諸個代誌？耶穌給個應講：我欲問恁一句話。恁給我應答，我才給恁講我靠什麼權柄做諸個代誌。（可11:27-29）





約翰洗禮的權柄是對天抑是對人來的？恁給我講。佢互相議論講：咱若講『對天』，伊會講『按呢恁是按怎無信約翰？毋拘咱若講『對人』，恐驚群眾反感，因為佢攏想講約翰真正是先知。  
(可11:30-32)




個就應耶穌：阮毋知。耶穌就對個講：按呢，我嘛毋給恁講我靠什麼權柄做諸個代誌。（可11:33）





耶穌閣用譬喻對佢講：有一個人開墾一坵葡萄園，四面圍籬笆，挖一個酒窟，起一個守望台，將此坵園租互佃農，後來出外去真遠的所在。(可12:1)



收成的時到，伊差一個僕人去佃農邊，欲給佃收園裡的果子。佃掠彼個僕人，給伊拍，趕伊空手倒去。伊閣差另外一個僕人去，佃傷害伊的頭殼，給伊侮辱。後來，園主閣差別個僕人去，佃給伊剖死。伊閣差真多僕人去，有的互佃拍，有的互佃剖死。（可12:2-5）





伊猶有一個，就是所疼的子，最後嘛差伊去佃農遐，想講「佢會尊重我的子」。毋拘許個佃農參詳講：「此個是伊的繼承人。來，咱來給剖死，伊的財產就變做咱的。」佢就給伊掠起來，給伊剖死，給抗出去葡萄園的外面。(可12:6-8)




按呢，葡萄園的主人會按怎處理？伊會來剿滅諸個佃農，將葡萄園租互別人。恁豈毋曾讀著此段聖經的記載：起厝師傅所棄揀的石已經成做上重要的基石。這是主的作為，對咱來看實在真奇妙。許個猶太人的領導者知影耶穌講此個譬喻是啲指佢，就想欲給伊掠，毋拘驚群眾，就離開。（可12:9-12）



個差幾若個法利賽派的人及希律黨的人去耶穌邊，欲尋伊的話柄通給伊陷害。佢就去，對耶穌講：老師，阮知你真誠實，無論什麼款人，你對待佢攏無差別，你只有忠實教示上帝的道理。按呢，納稅互羅馬皇帝凱撒有合律法無？阮著納稅抑毋免？（可12:13-14）



耶穌看出佢的詭計，就對佢講：是按怎欲給我試探？提一個銀幣互我看覓咧。佢就提一個銀幣來。耶穌問佢：這是什麼人的像，什麼人的字號？佢應講：凱撒的。（可12:15-16）



耶穌給佢講：凱撒的物互凱撒；上帝的物互上帝。佢對耶穌感覺真著驚。(可12:17)



有一寡主張無閣活的撒都該派的人來耶穌邊，問伊講：老師，摩西所寫的律法給阮講：若有人伊的兄哥死去，放某無放子，伊作小弟的著娶兄嫂替兄哥傳宗接代。（可12:18-19）



以前曾有七個兄弟，上大的娶某，無留後代就死去。第二的娶伊的兄嫂，嘛無留後代就死去。第三的嘛像款。此七個兄弟攏無留後代，最後此個婦仁人嘛死去。閣活的時，佢攏閣活，按呢此個婦仁人是叨一個人的某？因為此七個攏曾娶伊做某。（可12:20-23）



耶穌給佢講：恁毋著，因為恁毋識聖經，嘛毋識上帝的權能。佢對死人中閣活的時，及天頂的天使像款，無嫁無娶。關係死人閣活，恁豈毋曾讀著摩西的冊『啲燻的莉』彼段？上帝對摩西講：『我是亞伯拉罕的上帝，以撒的上帝，雅各的上帝。』伊毋是死人的上帝，是活人的上帝。恁完全毋著！（可12:24-27）



有一個經學教師來，聽著耶穌及撒都該派的人的辯論，看耶穌應了真著，就問伊：所有的誡命中，叨一條第一重要？耶穌應講：第一是：以色列啊，恁著聽！主 — 咱的上帝是獨一的主。你著全心、全情、全意、全力疼主 — 你的上帝。第二是：著疼厝邊親像疼家己。無別個誡命比諸個閣較重要。（可12:28-31）



彼個經學教師對耶穌講：老師，你所講的真著。你講上帝只有一位，伊以外無別個；閣講著用全心、全智、全力疼上帝，閣疼厝邊親像疼家己是比獻攏總的燒化祭及祭物閣較要緊。（可12:32-33）





耶穌看著伊應了真有智慧，就給伊講：你離上帝國無遠。彼時以後，無人敢閣問耶穌什麼問題。耶穌佇聖殿啲教示的時，問講：經學教師哪會講基督是大關的後代？大關本身受聖神感動講：主給我的主講：你坐我的正旁，到我互你的對敵屈服佇你腳下。大關本身稱呼基督做「主」，基督哪會是大關的後代？有一大群人愛聽耶穌的教示。（可12:34-37）




耶穌教示講：著持防經學教師。佢愛穿長衫行來行去，佇市場口互人請安，佇會堂坐高位，佇宴會坐大位。佢侵佔寡婦的家伙，刁故意祈禱真長。佢會受閣較重的刑罰。（可12:38-40）




耶穌坐佇聖殿奉獻櫃的對面啲看人獻錢落去。真多好額人獻真多錢。有一個散赤的寡婦來，獻兩個銅錢仔，就是一角銀。耶穌叫門徒來，給佢講：我實在給恁講，此個散赤的寡婦獻入去奉獻櫃的，比眾人獻的閣較多。因為佢攞是獻用賸的，毋拘此個寡婦雖然真散赤，猶久提所有的，就是全部的生活費攞獻落去。（可12:41-44）




耶穌對聖殿出來的時，有一個門徒對伊講：老師，你看，石即呢大塊！建築物即呢堂皇！耶穌給佢講：恁啲看諸個大的建築物噢。佇遮，諸個攏會受拆毀，拆甲無一塊石會疊佇別塊頂面。（可13:1-2）




耶穌佇橄欖山頂，面向聖殿啲坐的時，彼得、雅各、約翰，及安得烈私下給伊問：請給阮講，此個代誌什麼時會發生？諸個一切的代誌啲欲完成的時有什麼兆頭？（可13:3-4）



耶穌就給佢講：著謹慎，才免受迷惑。有真多人會利用我的名來，講『我就是**基督**』來迷惑真多人。佢聽著戰爭以及戰爭的風聲的時，毋免驚。諸個代誌一定會發生，毋拘終局猶未到。因為民族會起來攻擊民族，國家攻擊國家。真多所在有地動，有飢荒。諸個代誌不過是催陣痛疼的開始。（可13:5-8）




恁家己著謹慎，恁會互人交互議會，佇會堂受鞭拍。恁會為著我的緣故倚佇總督及君王的面前，對佢做見證。毋拘福音一定著代先傳互萬民。佢給恁掠去交互法庭的時，毋免先煩惱欲講什麼，彼時恁得著什麼指示就照按呢講，因為啲講的毋是恁家己，是聖神。  
(可13:9-11)




兄弟會出賣兄弟，互伊死；老父嘛會按呢對待子兒。子兒會起來攻擊父母，給個害死。恁會因為我的名互眾人怨恨，毋拘忍耐到最後的人會得著救。(可13:12-13)



當恁看著彼個『可惡的毀滅者』 倚佇毋應該倚的所在 — 讀的人著明白此句話的意思 — 彼時佇猶太的人著逃走去山內；佇厝頂的，毋通落來，嘛毋通入去厝內提物件；佇園裡的，毋通轉去掖外衫。佇許個日子，有身孕的及互嬰仔食奶的婦仁人非常不幸。  
(可13:14-17)



著祈禱，諸個代誌才免佇冬天發生。因為佇許個日子啲欲有災難，是對上帝創造萬物以來毋曾有的，將來嘛膾閣有。主若無減少許個日子，無人會得著救；毋拘為著伊所揀的選民，伊已經有減少許個日子。(可13:18-20)



彼時，若有人給恁講『恁看，**基督**佇遮』，抑是講『恁看，伊佇遐』，毋通相信。因為有一寡假基督及假先知會出現，行神跡奇事，若會當，連選民都欲給佢迷惑。著謹慎；我已經將一切攏先給恁講啦。(可13:21-23)




佇彼個災難過了許個日子，日會變烏暗，月艴發光，星會對天頂落落來，天頂的光體攏會搖泔。彼時，人會看見人子充滿大權能及榮光坐雲來臨。伊會差遣天使對四方，對地的此旁到天的彼旁聚集伊的選民。(可13:24-27)



著對無花果樹學習：枝茁芽發葉的時，恁就知熱天啲欲到。親像按呢，恁看著諸個代誌發生的時就知人子已經接近，到門口啦。  
(可13:28-29)



我實在給恁講，此世代猶未過去，這一切攞會發生。天及地會消失，毋拘我的話絕對會消失。關係彼個日，彼個時，無人知；天頂的天使毋知，子嘛毋知，只有父知。（可13:30-32）



著謹慎，著警醒，因為恁毋知彼個時刻什麼時會到。親像有一個人欲出外，將權交互僕人，分配工作互逐個人，閣吩咐守衛小心顧守。所以，著警醒，才免此家的主人忽然轉來，看著恁啲睏，因為恁毋知伊什麼時會轉來，是黃昏抑是半暝，是天欲光抑是日出的時。我給恁講的話嘛欲對眾人講：著警醒！（可13:33-37）

# 馬可福音大綱

- 一、耶穌傳道工作个預備 1:1-1:13
- 二、耶穌在加利利个工作 1:14-6:56
- 三、耶穌離開加利利地 7:1-9:50
- 四、耶穌在比利亞个工作 10:1-10:52
- 五、耶穌在耶路撒冷个工作 11:1-13:37
- 六、耶穌个受死拷復活 14:1-16:8
- 七、復活主个顯現拷升天 16:9-16:20



閣兩日就是躑過節及除酵節。祭司長及經學教師啲尋看欲用什麼計謀通掠耶穌，給伊害死；不過佢講：毋通佇節期中，驚了民眾起暴動。（可14:1-2）



耶穌佇伯大尼癡  
瘋病人西門的厝  
啲坐桌食飯的時，  
有一個婦仁人來，  
提一罐玉瓶，內  
面貯滿純閣貴的  
哪嚏芳油。伊擯  
破玉瓶，將芳油  
倒佇耶穌的頭殼  
頂。(可14:3)





有一寡人真受氣，互相議論講：哪著按呢浪費芳油？此罐芳油會當賣三百外個銀來救濟散赤人！佢就給伊責備。（可14:4-5）




毋拘耶穌講：毋通給伊擋！哪欲給伊刁難？伊有為著我做一項好事。不時有散赤人及恁做夥，恁若欲，不管時都會當幫贊佢；不過我膾不時及恁做夥。此個婦仁人已經盡力做啦；伊先用芳油抹我的身軀準備我的埋葬。（可14:6-8）





我實在給恁講，此個福音無論傳到全世界什麼所在，人攏會講起此個婦仁人所做的代誌來記念伊。(可14:9)




十二使徒的一個，以斯加略的猶大，去見許個祭司長，欲將耶穌出賣互個。佢聽著真歡喜，答應欲錢互伊。猶大就一直啲尋機會，看欲按怎通出賣耶穌。（可14:10-11）





除酵節的頭一日，就是劓躑過節的羊羔彼日，門徒來問耶穌：你愛阮去叨位給你準備食躑過節的晚餐？耶穌差兩個門徒，吩咐佢講：恁入去城內，會抵著一個提水瓶的查甫人，恁隨伊去。伊無論入去叨一間厝，恁著給彼家的主人講：老師喲問，伊及伊的門徒欲食躑過節晚餐的客廳佇叨位？伊會報恁看樓頂一間款好勢的大廳，恁就佇遐為著咱準備。（可14:12-15）





彼兩個門徒就出去，到城內，看著逐項及耶穌給佢講的攞像款；佢就佇遐準備躉過節的晚餐。（可14:16）



黃昏的時，耶穌及十二使徒做夥來。佢啲食飯的時，耶穌講：我實在給恁講，恁諸個及我做夥啲食的人中間，有一個欲給我出賣。佢真傷心，一個一個給伊問：毋是我乎？（可14:17-19）




耶穌給佢講：是恁十二人中的一個，就是提餅及我佇盤裡啲搵彼個。照聖經所記載，**人子**會受害，不過出賣**人子**彼個人慘啊！彼個人寧可無出世較好！（可14:20-21）




個啲食的時，耶穌提餅，感謝了後擘開，分互門徒，講：提去；這  
是我的身軀。後來伊捧杯，感謝了後提互門徒，佢就攞飲彼杯。耶  
穌給佢講：這是我的血，是立約的血，為著真多人流出的。

(可14:22-24)



我實在給恁講，佇上帝國飲新的葡萄酒彼日以前，我絕對膾閣飲此個酒。(可14:25)





耶穌給佢講：佢攞會放揀我，因為聖經有記載：我欲拍牧者，羊就四散。不過我閣活以後會比佢先去加利利。（可14:27-28）



彼得給耶穌講：眾人若擺放揀你，我一定膾！耶穌給彼得講：我實在給你講，今仔日，就是今暝，雞啼兩遍以前，你會三遍毋認我。毋拘彼得堅持講：若一定著及你做夥死，我嘛絕對膾毋認你！其他的人嘛擺按呢講。（可14:29-31）




耶穌及門徒來到一個所在，叫做客西馬尼。伊給門徒講：我去祈禱，恁1店遮坐。伊就導彼得、雅各、約翰做夥去。伊真驚惶，非常痛苦，對佢講：我心憂傷到欲死，恁1店遮，著警醒！（可14:32-34）




耶穌行較進前，仆佇土腳祈求，看會當互伊免經過此個痛苦的時間  
膾。伊求講：阿爸父啊，你逐項攞會。此個杯求你給我提開，毋拘  
毋是照我的意思，著照你的旨意實現。（可14:35-36）



後來耶穌轉來，看著門徒啲睇，就給彼得講：西門，你啲睇噢？你  
猶當警醒一點鐘久是無？著警醒，著祈禱，才猶陷落誘惑。佢雖然  
心真意愛，毋拘肉體軟弱。（可14:37-38）




耶穌閣去祈禱，嘛是講像款的話。伊閣轉來，看著佢因為目睷真澀猶啲睷；佢毋知欲給耶穌應什麼。（可14:39-40）



耶穌第三遍轉來，對佢講：恁猶啲睇，猶啲歇睇噢？夠額啦！時間已經到；恁看，人子受出賣交仔罪人的手頭啦。起來，咱來去。恁看，出賣我的人來啦。（可14:41-42）



耶穌猶啲講的時，十二使徒的一個 — 猶大隨時來，祭司長、經學教師，及長老派來的一陣人擲刀擲棍及伊鬥陣來。出賣耶穌彼個人有互個一個暗號，講：我給伊嚟彼個就是；佢給掠，嚴密看守，給伊押去。(可14:43-44)




猶大一下到，隨時行倚耶穌，叫拉比，就給伊啞，佢就下手掠耶穌。(可14:45-46)



有一個倚仔邊仔的人拔刀對大祭司的僕人刺落去，給伊一旁的耳仔削起來。耶穌給佢講：恁擲刀擲棍出來掠我，是欲掠強盜是無？我逐日佇聖殿啲教示人，恁嘛有佇遐，恁無給我掠。毋拘這是欲互聖經的話得著應驗。（可14:47-49）



彼時，所有的門徒攏放掠耶穌，逃走。有一個少年人啲隨耶穌，身軀只有幔一塊幼麻布。佢欲給伊掠，毋拘伊給幼麻布放咧，褪腹裊逃走。(可14:50-52)



大祭司府邸

聖殿


客西馬尼園

最後晚餐



汲淪溪

橄欖山


個給耶穌導去大祭司週；所有的祭司長、長老，及經學教師攏聚集佇週。(可14:53)



彼得離遠遠隨耶穌，隨入去大祭司公館的埗，及許個警衛做夥坐啲烘火。許個祭司長及全議會一直啲尋證據欲告耶穌，通給伊處死，毋拘尋攏無。因為有真多人給耶穌誣告，佢的證詞無一致。有幾若個人起來給伊誣告，講阮曾聽見伊講：「我欲拆毀此間人的手所起的聖殿，三日內欲閣另外起一間毋是人的手起的。」連此個，佢的證詞嘛無一致。（可14:54-59）



大祭司佇眾人的面前倚起來，問耶穌：諸個人啲給你告什麼？你哪攏無答辯？毋拘耶穌恬恬，攏無應半句。大祭司閣問伊講：你是**基督**，是應該得著稱讚彼位的子抑毋是？（可14:60-61）



耶穌應講：我是。恁會看見**人子**坐佇全能者的正旁，坐天頂的雲來臨。大祭司就拆裂家己的外衫，講：咱猶需要什麼證人？恁已經有聽著伊褻瀆上帝。恁拍算按怎？佢攏判伊有罪，應該處死。  
(可14:62-64)



有一寡人給耶穌呸嘴涎，掩伊的面，用拳頭母給伊掙，閣對伊講：先知啊，講看覓，啥人給你掙？警衛給伊掠啲直直搨。（可14:65）



彼得猶佇大祭司公館下面的埕，有一個大祭司的女婢來。伊看著彼得啲烘火，直直給伊相，講：你嘛攏有啲及彼個拿撒勒人耶穌做夥。彼得毋認，講：我毋知，嘛聽無你啲講什麼。伊就出去埕的外面。彼時雞就啼。（可14:66-68）



彼個奴婢看著伊，閣給倚佇邊仔的人講：此個人是佢彼陣的人。彼得閣再毋認。過無偌久，許個倚佇邊仔的人閣對彼得講：你確實是佢彼陣的人，因為你嘛是加利利人。（可14:69-70）



彼得就咒誓講：恁啲講彼個人，我毋識。我若講白賊，願上帝責罰我！（可14:71）





彼時，雞第二遍啼。彼得想起耶穌給伊講的話「雞啼兩遍以前，你會三遍毋認我」，就出聲哭。(可14:72)





天一下光，許個祭司長、長老、經學教師，以及全議會的人鬥陣參詳。佢給耶穌縛起來，押去交互彼拉多。(可15:1)



彼拉多問耶穌：你是猶太人的王是無？耶穌應講：這是你講的。祭司長告耶穌真多項代誌。彼拉多閣問耶穌：你看，佢給你告即多項，你哪攞無答辯？耶穌猶原無應半句，彼拉多煞感覺真奇怪。  
(可15:2-5)




逐年佇躑過節的時，彼拉多攏有照民眾的要求放一個犯人互個。有一個人名叫做巴拉巴，伊及一寡叛徒做夥關監；個曾佇暴亂中劊死人。（可15:6-7）




群眾聚集倚來，要求彼拉多照慣例辦理。彼拉多問個講：恁愛我放猶太人的王互恁無？因為伊知許個祭司長是為著怨妒才將耶穌交互伊。（可15:8-10）




許個祭司長煽動群眾，顛倒要求彼拉多放巴拉巴互個。彼拉多閣一遍問個講：按呢，恁稱做『猶太人的王』的，恁愛我按怎處理？個閣大聲喝：給釘十字架！彼拉多問個講：是按怎？伊有做什麼歹代誌？個閣較大聲喝：給釘十字架！（可15:11-14）




彼拉多為著欲互群眾歡喜，就放巴拉巴互個，閣命令人用鞭拍耶穌，然後交伊去釘十字架。(可15:15)




兵士帶耶穌去總督府的埤內，後來召集全隊的兵。佢給耶穌穿一領紫色的外袍，閣用刺仔編一頂王冠給伊戴。佢給伊行禮，喝講：猶太人的王萬歲！佢閣用一支蘆竹仔摔伊的頭殼，給伊呖嘴涎，跪落去拜伊。佢戲弄伊了後，彼領紫色的外袍給褪起來，閣將伊家己的衫給穿倒轉去，然後押伊出去釘十字架。（可15:16-20）



有一個古利奈人西門，是亞歷山大及魯孚的老父，伊對庄腳來，抵好對遇經過；兵士強迫伊夯耶穌的十字架。（可15:21）



個給耶穌押到一個所在叫做各各他，翻譯是「頭殼碗嶺」。個用摻沒藥的酒互耶穌飲，毋拘伊無飲。然後個給伊釘十字架，閣分伊的衫，抽籤決定逐個人得著什麼。個釘耶穌佇十字架的時是早起時九點。有一個牌仔寫伊的罪狀：「猶太人的王」有兩個強盜及伊做夥釘十字架，一個佇伊的正旁，一個佇倒旁。（可15:22-28）



對過經過的人給伊侮辱，搖頭，講：唉啊，你此個人，講欲拆毀聖殿三日內閣起起來，著救你家己，對十字架落來！（可15:29-30）




祭司長及經學教師嘛按呢給伊恥笑，講來講去：伊救別人，無法度救家己！伊是**基督**，以色列的王，現在著對十字架落來，互咱通看，通信。及耶穌做夥釘十字架許個強盜嘛給伊侮辱。（可15:31-32）



中晝的時，全地攏烏暗，續到下晡三點。（可15:33）




三點的時，耶穌大聲喝：以羅伊，以羅伊，拉馬撒北大尼？意思是我的上帝，我的上帝，你是按怎放揀我？（可15:34）




有一寡倚佇邊仔的人聽著，講：恁看，伊啲叫以利亞！有一個人走去提海綿，浸酸酒，縛佇蘆竹仔尾，抹去互耶穌味，講：等一下！看以利亞會來給伊救贖。（可15:35-36）



耶穌大聲喝一聲，就斷氣。彼時聖殿內的帳簾對頂到下裂做兩旁。  
(可15:37-38)



倚佇耶穌對面的軍官看著伊斷氣的情形，講：此個人確實是**上帝的子**！嘛有一寡婦仁人對遠遠啲看，其中有末大拉的馬利亞、小雅各及約西的老母馬利亞，以及撒羅米。佢是耶穌佇加利利的時就隨伊閣服事伊的婦仁人。另外閣有真多及耶穌做夥來耶路撒冷的婦仁人嘛佇遐。（可15:39-41）



已經黃昏，因為彼日是躑過節的備辦日，是安歇日的前一日，亞利馬太的約瑟來，好膽去見彼拉多，請求將耶穌的遺體互伊。約瑟是一個受人尊敬的議員，本身嘛有啲期待上帝國的來臨。彼拉多聽著耶穌已經死感覺奇怪，就叫軍官來，問看耶穌是毋是已經死去。伊對軍官聽著耶穌確實死的消息，就將遺體交互約瑟。(可15:42-45)



約瑟買一塊幼麻布，然後將耶穌的遺體對十字架徙落來，用彼塊幼麻布給伊包，安葬佇已經拍好佇石壁內的墓，閣翻一塊石來塞佇墓口。末大拉的馬利亞及約西的老母馬利亞有看著安葬耶穌的所在。  
(可15:46-47)




安歇日過了，末大拉的馬利亞、雅各的老母馬利亞，及撒羅米買芳料欲去抹耶穌的遺體。禮拜日透早，日抵仔出的時，佢就去墓地。佢互相講：什麼人欲替咱將墓口彼塊石翻開？彼塊石非常大塊。佢一下擰頭，看著彼塊石已經翻開。（可16:1-4）



個入去墓內，看著一個穿白衫的少年人坐佇正旁，非常著驚。  
(可16:5)



彼個少年人對佢講：免驚！我知恁啲尋互人釘十字架的拿撒勒人耶穌；伊已經閣活，無佇遮。來看園伊的所在。恁去，去給伊的門徒及彼得講：伊比恁先去加利利，佇遐恁會見著伊，抵抵照伊給恁講的。（可16:6-7）




個驚甲皮皮慳，毋知欲按怎，就對墓裡出來，直直走。個攏無對人講什麼，因為個真驚。(可16:8)

# 馬可福音大綱

- 一、耶穌傳道工作个預備 1:1-1:13
- 二、耶穌在加利利个工作 1:14-6:56
- 三、耶穌離開加利利地 7:1-9:50
- 四、耶穌在比利亞个工作 10:1-10:52
- 五、耶穌在耶路撒冷个工作 11:1-13:37
- 六、耶穌个受死拷復活 14:1-16:8
- 七、復活主个顯現拷升天 16:9-16:20




禮拜日透早，耶穌閣活了後，代先對末大拉的馬利亞顯現；耶穌曾給伊趕出七個鬼。伊去給許個隨耶穌的人報告，彼時佢啲哀傷啼哭。佢聽見耶穌閣活閣有互馬利亞看著，佢猶毋信。（可16:9-11）



諸個代誌以後，有兩個門徒行路欲去庄腳的時，耶穌用別款的形像對個顯現。個轉去給其他的人報告，毋拘許個人攏毋信。  
(可16:12-13)




後來，十一個使徒啲食飯的時，耶穌對佢顯現。伊責備佢毋信及硬心，因為佢無信看著耶穌閣活的人給佢講的話。（可16:14）



耶穌給個講： 恁著去全世界對所有被造的宣揚福音。信來領受洗禮的人會得著救； 毋信的人會受定罪。信的人會行下面諸個神跡： 個會奉我的名趕鬼； 個會講新的語言； 個掠蛇抑是飲毒嘛癒受傷害； 個給病人按手， 病人會得著醫好。（可16:15-18）



主耶穌給個講諸個話了後受接上天，坐佇上帝的正旁。(可16:19)



門徒出去逐所在傳福音。主及個同工，用個所行的神跡證實個所傳的道理。(可16:20)

# 參考資料

---

台語聖經 (現代台語漢字譯本)

台灣聖經公會授權

- 天國門徒訓練講義
- 免費聖經圖片
- 聖經簡報站
- 畫說聖經